



Na osnovu člana 5.22 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 32/23), a u vezi Odluke o raspisivanju i održavanju Prijevremenih izbora za predsjednika Republike Srpske ("Službeni glasnik BiH", br. 52/25), Centralna izborna komisija Bosne i Hercegovine, na 48. sjednici, održanoj 30.09.2025. godine, donijela je

O D L U K U
o uspostavi Glavnog centra za brojanje i imenovanju direktorice i
zamjenika direktorice Glavnog centra za brojanje za provedbu Prijevremenih izbora za
predsjednika Republike Srpske

Član 1.
(Predmet)

- (1) Centralna izborna komisija Bosne i Hercegovine (u daljnjem tekstu: Centralna izborna komisija BiH) formira Glavni centar za brojanje za pripremu i provedbu Prijevremenih izbora za predsjednika Republike Srpske, koji će se održati u nedjelju, 23. novembra 2025. godine.
- (2) Glavni centar za brojanje se uspostavlja za period od 01.10.2025. godine do zatvaranja Glavnog centra za brojanje, o čemu će Centralna izborna komisija Bosne i Hercegovine donijeti posebnu odluku.
- (3) Glavnim centrom za brojanje rukovodi direktorica Glavnog centra za brojanje i tri zamjenika direktorice Glavnog centra za brojanje.

Član 2.
(Imenovanje)

- (1) Za direktoricu i zamjenike direktorice Glavnog centra za brojanje imenuju se:
 - a) Mubera Vulović, direktorica
 - b) Bojan Simović, zamjenik direktorice,
 - c) Adi Agić, zamjenik direktorice i
 - d) Marijana Žuljević, zamjenica direktorice.
- (2) Direktorica i zamjenici direktorice Glavnog centra za brojanje se imenuju na period od dana uspostavljanja pa do dana zatvaranja Glavnog centra za brojanje i za svoj rad su odgovorni Centralnoj izbornoj komisiji BiH.

Član 3.
(Opis poslova)

- (1) U Glavnom centru za brojanje će se obavljati slijedeći poslovi:

- a) prijem i kontrola biračkog materijala birača koji glasaju putem pošte, sa biračkih mjesta za glasanje u odsustvu, nepotvrđenih-kovertiranih glasačkih listića, mobilnog tima i posebnog mobilnog tima,
- b) verifikacija prava glasa birača iz tačke a) ovog člana,
- c) brojanje i unos glasova iz tačke a) ovog člana,
- d) ponovno brojanje po odluci Centralne izborne komisije BiH i
- e) drugi poslovi utvrđeni podzakonskim aktima Centralne izborne komisije BiH.

(2) Poslovi iz stava (1) ovog člana, obaviti će se u sjedištu Glavnog centra za brojanje u Sarajevu.

Član 4.
(Stupanje na snagu)

Ova Odluka stupa na snagu danom donošenja i objavit će se na internet-stranici Centralne izborne komisije BiH www.izbori.ba.

Broj: 05-1-07-1-852-1/25 M.K
Sarajevo, 30.09.2025. godine

